

बालका बेर्ड बाइबल

प्रस्तुति

ईशु को जन्म



लखबालो: Edward Hughes

समझाबालो: M. Maillot
Alastair Paterson

रूप बदलबालो: E. Frischbutter; Sarah S.

अनुवाद करबालो: Roysen Norman D'Souza

सामूहिक ल्याबालो: Bible for Children
www.M1914.org

©2020 Bible for Children, Inc.

अनुज्ञापत्र (लाइसेंस): थे यां कहाण्या की फोटू कॉपी और छपवा
सको छो, शरित याई छ क बैचूअ कोनूअ।



घणा दना पेली परमेसर एक सरगदूत
जिब्रायल न्‌अ मरियम नाऊ की एक
कुँवारी यहूदी छोरी खन्‌अ खन्दायो।
वो उन्‌अ खियो, “तु एक छोरा न्‌अ
जण्‌अली ज्यो ईशु का नाऊ सुं
जाण्यो जाव्‌अलो। वो परमेसर
की ओलाद
खुवाव्‌अलो। वो
सदामेश राज
करअलो।”



“यो कस्यान हो सक्‌अ छ?” छोरी
अचम्भा मं होर खेर्ई। “म हालताणी
कोई मोटचार की लार कोन्‌अ रेई।”
सरगदुत मरियम न्‌अ खियो बाळक
परमेसर की दिया सु
होव्‌अलो। कोई
मनख उंको बाप
कोन्‌अ होव्‌अलो।



वो सरगदुत मरियम न् अ
खियो क उंका काका की
छोरी एलिजाबेथ क बुढ़ापा
मं एक ओलाद होई छ।
यो भी एक चमत्कार
ई छो। मरियम बेगीई
एलिजाबेथ सुं मली।
वे दोनी परमेसर
सु परातना करी।



मरियम की युसूफ
नाऊं का एक मनख सुं
सगाई होई। युसूफ या
जाणर उदास छों क
मरियम क बाल्क
होबाल्लो छो। वो
बच्यार कररयो
छो क कोई
ओर ई बाल्क
को बाप छ।



एक दन सपना मृअ परमेसर को दूत
आर यूसुफ नृअ खियो, यो बाल्क
परमेसर की ओलाद छ। ईशु की
हार सम्भाळ मं यूसुफ मरियम की
सायता करअ छो।



यूसुफ परमेसर को खियो मानबाढ़ो अर उम्म बस्वास
रखाणबाढ़ो छो। वो खुद का देश का कानून को भी पालण
करअ छो। नुवा कानून की
बजे सुं वो अर मरियम
वांका खुद का
शहर बेथेलहम



छोड़र चुंगी देबा गिया।



मरियम के बालक
जणबा की बगत आई।
पण यूसुफ न कहा
भी एक कमरो कोन्हाअ
मल सकयो। सबेळी
धरमशाळा भरी
छी।



आखरी मं यूसुफ न्‌अ एक नोअरो मल्यो। जण्ठ्‌अ ईशु को
जनम होयो। माई उन्‌अ एक ठाण मं
सुवाण दी, एक अस्यान की ठार
जण्ठ्‌अ ज्यानबरा
न्‌अ चारो
खुवाव्‌अ
छ।



सांकड़अई, लङड़या का गुवाह कुद की लङड़या की
रुखाई कररया छा। एक सरगदूत उण्डूअ

प्रगट्यो अर वान्‌अ एक

अचम्भा
को
समचार
खियो।



“अण्ठू दाऊद का नगर मं आज एक मुक्ति देबाळा को
जनम होयो छ जो परमेसर को मसी छ।
थे उं बाळक न ठाण मं सुतो
देख सको
छो।”



झटदाणी सिक घणा सारा सरगढूत दिखबा
लागगा अर वे सबळा परमेसर सुं परातना
करता होया खे रया छा, ...



... “धरती प शांति बेई परमेसर की महमा
ऊंची छ, मनखा बेई चोखो होबाळो छ।”



वे गुवाह भाग्याई नोररा मं गिया। उं बाळक
न्‌अ देख्या पाछ्हअ ईशु का बारा मं सरगदूत
ज्यो खीया छा वान्‌अ सबळी बाता बताया।



चाल्हीस दन पाछ्हअ यूसुफ अर
मरियम ईशु न्‌अ यरूशलैम का एक
मन्दर मं लेर आया। उण्हअ

साइमन नाऊ को एक
मनख बाळक बेर्ड परमेसर
सुं परातना
करयो, बूढो
हन्ना अर
परमेसर का
दूसरा सेवा
करबाला
धन्यवाद
दिया।



दोनी जाण्‌अ छा क ईशु परमेसर की
ओलाद छ, बचन की जियान एक
मुक्ति देबाळो। यूसुफ दो
जन्दावरा की बली दियो।
यो परमेसर को निम छो
क कोई
भी गरीब
क लुवो
बाल्क
होव्‌अ
तो वो
अस्थान
करअ।



थोड़ा दना पाछुअ
एक खास तारो एक
बुद्धिमान मनख न् अ
अगुणी का देश सु
यरूशलेम लेर
आयो।



“यहूद्या को राजो ज्यो
पदा हौयो छ? वो कढ़अ
छ?” वो खियो। “मैं उंकी
पुजा करबो चावा छा।”



राजो हेरोद ऊ बुद्धिमान
मनख का बारा मं सुण्यो।
वो वान्‌अ खियो क जद्‌या
भी वे बाल्क न्‌अ देख्‌अ तो
मनअ बताव्‌अ। “म भी
उंकी पूजा केरबो चाऊ छुँ।”
हेरोद खियो। पण वो झुठ
बोलरयो छो। हेरोद ईशु
न्‌अ मारबो
चाव्‌अ
छो।




खास तारो बुद्धिमान मनख नअ
ऊं घर मं लियायो जणहूअ मरियम
अर यूसुफ खुद का बाल्क की
लार रेवूअ छा। गोड़ा टेकर
परातना करता होया यात्री ईशु
न सोनु, अनतर
अर महगा मोल
का दान दिया।



परमेसर बुद्धिमान मनखा न्‌अ
चतायो क छान्‌असिक खुद क
घरां पछा चल जावो। हेरोद रोषा
होगो। वो ईशु न्‌अ मारबा की ठणा
मेल्यो छो, वो खराब राजो बेथेलहेम
का सबळा लुवा बाळका न्‌अ मरा

दियो
छो।



पण हेरोद परमेसर की
ओलाद को काई भी
कोन्‌अ बगाड़ सक्यो!
सपना मं चैतावणी
मलताई, यूसुफ मरियम
अर ईशु की रुखाळी
बेर्ई मिसर चलग्यो।



जद्या हेरोद मरग्यो
तो यूसुफ़,



मरियम अर
ईशु न् अ मिसर सुं पाछो
लियायो। वो गलिल झिल की तिर प,
नासरत नाऊ का एक छोटासाक शहर मं रेबा लागगो।



ईशु को जन्म

बाइबल, परमेसर का बचना की कहाणी

मं पायो गियो

मत्ती 1-2, लुका 1-2

“ज्यो थांकी जन्दगी मं उजाळो देव्‌अ छ।”
भजन 119:130



स्वतं



बाइबल की या कहाणी आपान्‌अ आपणा उं अदभुत परमेसर का बारा
मं बताव्‌अ छ ज्यो आंपान्‌अ बणायो छ अर वो चाव्‌अ छ क थे उन्‌अ जाणो।

परमेसर जाण्‌अ छ क आपां अस्यानका काम करया छा ज्यान्‌अ वो पाप मान्‌अ छ।
अर पाप की सज्या मौत छ पण परमेसर थांसु अतरो परेम करअ छ क वो खुद का
एकलोता छोरा ईशु न्‌अ ई दनिया मं खण्डायो क वो सूळी (क्रोस) प चढ़र थांका
पापा की सज्या पाव्‌अ। ईशु मरया पाछ्हअ फेर्न जीवतो होग्यो अर सरग मं खुद क
घरां चलग्यो। अर ज्यो थे ईशु मं बस्वास करो अर ऊसुं खुद का पाप की छमा
मांग्‌अ तो वो थांकी परातना सुण्‌अलो। वो अबार आर थाक्‌अ म्‌अईन्‌अ
बस्‌अलो अर थे सदाई उंकी लार बण्या रेव्‌अला।

अर ज्यो थांम्‌अ बस्वास छ क यो सब साँच छ तो परमेसर न्‌अ ख्योः प्यारा ईशु,
मन्‌अ बस्वास छ क तू ही परमेसर छ अर मनख का रूप म्‌ओ आयो छो क म्हारा
पाप की बजे सुं मोत की सज्या बगत सक्‌अ अर अब तु फेर्न जीवतो होयो छ।
करपा कर म्हारी जन्दगी मं आर म्हारा पाप छमा करो, क मन्‌अ एक नुई जन्दगी
मल्‌अ अर एक दन सदा हमेश बेर्ई मं थारी लार हो जाऊ। ओ ईशु, म्हारी सायता
कर जिसुं म थारी हरेक आज्ञा नअ मान सकूं अर थारी औलाद की न्याऊ
थारअ बेर्ई जी सकूं। आमीन।

बाइबल पढो अर रोजीना परमेसर सुं बात करो! यूहन्ना 3:16

